

Pälzer Hüttedour (Pfälzische Version)

Ort: muscht selber rausfinne

Gelände: (--***) mol geht's nuff, mol geht's nunner

Schwierigkeit: (---**)

Länge: ca. 16,5 Km

Dauer: 4-5 Stund ohne Pause

Ausrüstung: Logbuch, Stembl, Stemblkisse, Kombass, Stift, Hunger, Dorscht

Info: Auf dieser Tour gibt es mehrere Einkehrmöglichkeiten. Gradangaben müssen nicht 100%ig Stimmen, der zu laufende Weg ist klar erkennbar.

Bei den Werten F1-F9 handelt es sich um Werte die ihr für das Finale auf alle Fälle braucht, evtl. auch zwischendrin.

Clue:

Vum Parkplatz gescht in Richtung **W** und du folgscht de zwefarbiche Maggierung. Noch em korze Stickl siescht du ä Schild mit ferschiedene Baamarte. Nemm die Zahl vum Baam mit 12 Buchstawe und zähl die sunschtige Laabhälzer dezu = **A** __. Jetzt brauchschtsch noch die Zahl des wenicher vorkommende Baams mit 5 Buchstawe = **B** __. Du folgscht immer dee zwefarbiche Maggierung a üwer de Forschtweg driwwer. An de Wegspinn mit em weisse Kreiz sieschst du zwe Wegmaggierungen mit Zahle. Vun de kläne Zahl muscht die hinere nochämol vorne dran setze das du ä drei stelliche Zahl hoscht = **C** __. Jetzt muscht Richdung **AB°** __. Du musscht jetzt ewich uf dem Weg bleiwe (merk der des Zeiche uf de Bääm des du unnerwegs sischt) bis du uf ä schiefie T-Kreizung oder des owwere End vun em Übsilon stosse duscht. Jetzt muscht **C°** __ folge. Wennd noch ä paar Medern so än Stäh sischt mit der Wegmaggierung die du da vorhin merke solltescht dann vun de owwere Zahl die hinnere beideZiffere = **D** __.

Wennd an die Stroß kummst muscht uff die anner Seid niwwer un vom Medallschild wo des blaue Eggiche Ding druf is die Buchstawe zähle un uffschreibe = **F3**__. Weider üwwer de Parkplatz. Zu dere gelwe Hinweisdafel. Do is än Weg der 12,3 km long is = **F5**__. Ä Stickche weider is en schmale Weg links. Steil uffwärts Geh dem noch bis de maggierde Weg noch Süde weider geht. Am Grenzstäh der uff stäniches Gewässer hieweist geh de Weg in **D°** ____, jetzt gescht immer de berg nuff. Owwe am Grenzstäh gehts mol leicht Bergab um dann wenich später ä bissl steiler de Berg nuff bis du owwe en gresere Platz erreichst. Da du awwer noch net ganz owwe bioscht musch halt doch noch a bissl nuff. Jetzt hoschtst awwer endlich gepackt und du konnscht erscht ä mol en Schorle oder ach was anneres dringe. Awwer Owacht. Bleib net zu lang, weil du hoscht jo noch ä ganzes Stick Weg vor da un es kummen jo a noch annere Schorletankstelle.

Wennd fertich bischt mit doiner Paus muscht da noch de bekannte Nome von dere Hütt uffschreibe. Awwer net der wo üwwer de Där steht sondern den den ach die Anonyme Giddarischte im Palzlied singe _ _ _ _ _ . Die Buchstawe rechescht in Zahle um und zälscht die zamme = **F2**__. Wennd alles hoscht gescht die Trepp nunner und folgscht dem Weg der aussieht wie die Jabanisch Flagg. Dem Weg musscht ä Zeit lang folsche. Dabei muscht zwe mol ä Stroß üwerquere. Am anna end vum Parkplatz gescht wieder der Maggierunh noch die schun a Zeitlang laafscht. An em Platz mit Bänkel und Stähdisch guck mol eh bissl in de Geschend obd sischt wie weids bis zum Pakplatz is. Die Zahl ohne des Komma is **F4**__. Jetzt noch de Weg mit de weidescht Entfernung und zähl dozu die Streck zum Parkplatz. Dei nägschtes Ziel is grad ä paar hunnerd Meter weg. Also nix wie do hie. Wannd wilscht konnscht wieder en Schorle dringe. Aber vergess net die Bankreihe vor dem Haus zu zähle = **E**__. Wennd alles erledigt hoscht gehts weider noch Oste un uffbasse do kummt glei en Weg in ca. **E x 7°** ____, folg dem bis zu ner Wegspinn. Jetzt wieder uffbasse. Vum Wert E zählscht 1 dazu und rechescht

die Zahl in en Buchstab um. Den Weg laafscht bis zu ner Quell. Am Stäh steht ganz unne ä vierstellliche Zahl. Schreib die erschte 3 uff =**F** ____ An de Dafel brauscht die Anzahl der Buchstawe in de 2. dünner gschriebene Zeil. Die nimmscht mol die Anzahl der Wörter in de dickere Üwerschrift ____ = **F7**. Danach Richdung Norde un korz druf an de Wegspinn nimmscht de Weg der am meischte de Berg nunner geht bis zu ner T-Kreuzung. Vun dort weider in **F°** ____ . An de nägschte Kreuzung gehts rechts de Berg nunner in **F3 x F4°** ____ . De Weg geht durch ä Rechtskurv zu de negschte T-Kreuzung. Hier gehts wieder **F3 x F4°** ____ . Der Wesch macht wieder ä langrie Rechtskurv. Bass uff das du noch der Kurv den 2 farbische Wesch in **E x F4°** ____ net übersiescht. Wieder unne uff dem Wesch is an Platz zum Paus mache. An dere Bank is en Baam und do hängt a Schild. Vun dem Schild brauchscht die Anzahl der Buchstawe. = **G** ____ . Der Wert is doi nägschdi Richdung. Uff dem Weg mit de Farwe von Bayern bleibsch bis de a großes Haus siescht.

Hier konnscht wieder ä Paus mache wann de willscht. An de Hauswand hängt a Schild uff dem was üwer Selbstbedienung steht. Les den Text durch und nimm vun de dridde Zeil des letschte Wort. Die Buchstaweanzahl is **F1** ____ . Noch de Paus laaf üwer den Platz wo die Letterboxmobile stehn un geh weider uff dem Weg der die Farbe des 1.FCK hat Richdung Westen am Wasser entlang un dann de Bersch nuff immer der Farb folge. Owwe kummt de Weg mit em breitere zusamme uns do is a sportliches Schild. Du brauchscht die Zahl in de erste Spalt, die 5. Zeile ____ = **F6** . Noch eh korzes Stick in de bisherige Richdung is schon bald wieder was wo de Paus mache konnscht. An de Wand steht de Name vun dem Lade. _____ die Buchstawe müssen wieder umgerechnet werre in Zahle (Ü=UE) un dann zusamme gezählt. Zu dem Ergebnis kummen noch die Anzahl der Buchstawe dazu ____ = **F8**

Finale:

Vun de Hütt geh in die Richdung wo middags sie Sun iss en Weg Nr. **F1** de Berg hoch. Am Abzweig ca. **F2** + **F9** Schritt den Pfad lang laafe bis zu em dicke Baam der do am Weg uff de linke Seit steht. Hier in **F3 x F4°** und **F5** Schritt zum 3 stämmige Baam. Weider **F6 x 4 + 3x F4°**, **F7** Schritt zum mehrstämmige Baam. In **F8°** siescht du in **F9** Schritte en schiefe Baam(stumpf). Dort findscht die Hüttebox.

Rückweg:

Zurück zum Baam am Wegrand gehscht in de vorherige Richdung wieder über de Weg driwwer und dann geh in ca. **(2xC)+D°**. Wenn en Weg in den Farben Schwedens kreuzt folge dem bis zur letschde Möglichkeit wo was zu drinke gibt. Wenn du üwerall en Schorle gedrunge hoscht lass dich besser hier abhole. Ansonsten wäscht jo wo doi Auto steht. 😊

Werte:

A	B	C	D	E	F	G

Finalwerte:

F1	F2	F3	F4	F5	F6	F7	F8	F9